

藍綠光低空掠過 地球很危險？

★ 火流星訪港 太空館野生捕獲

▲ 網民分享拍到流星的車cam影片，引起熱烈討論 網上截圖

更多內容歡迎掃描二維碼，瀏覽大公網「港東港西」專題

▲ 太空館前晚拍到流星，資料圖片

▲ 太空館指該類火流星屬偶發流星 太空館fb圖

火流星襲港！有市民前日响facebook「Tai Po 大埔」群組發文，指「頭先有無人見到好似有粒幾大嘅流星快速降落？剛在林村天台見到……快到想影低都唔得」，之後有人分享拍到流星墜落的車cam影片，引起大家熱烈討論。

有市民話「好近，藍綠色」，有市民更分享幾星期前拍到相類似影片，亦有市民講笑指「UFO出沒，地球很危險」。

太空館即晚喺facebook發文，指當晚10點42分，太空館西貢遙控天文台全天攝影機，捕捉到一顆火流星掠過東面低空，表示它與最近的寶瓶座流星雨無關，應該係偶發流星。據太空館助理館長劉啓業話，全球每日都有大概100公噸唔同大小嘅太空物質跌入大氣層，火流星唔算罕有，但除非正值流星雨，同一地點唔會頻密出現，而2015年11月6日亦會有火流星响香港上空出現。

怕唔怕砸穿頭？

咁到底流星會唔會砸穿我哋個頭呢？劉啓業叫鄭晴唔使擔心，除非流星沒有完全燃燒殆盡而成為隕石擊中地面，或極接近地面令地面物件被空氣中嘅衝擊波破壞，否則對市民無太大影響。天文台科學主任陳恩進同樣叫大家放心，流星屬正常嘅天文現象，當晚10至11點大致天晴，由於少雲關係，天文現象亦較平時容易見到。

香港天文學會會長梁淦章就解釋畀鄭晴聽，當流星體積太大，喺大氣層未能完全燃燒氯化，接近地面時有機會爆開，形成我哋見到嘅火流星，但話唔單止會有火光，近距離甚至有聲。

佢舉2013年2月15日俄羅斯車里雅賓斯克市地區的長空並發生隕石爆炸為例，爆炸所形成嘅衝擊波在數分鐘後到達地面，造成逾千人受傷，原因是來自於受衝擊波影響而碎裂的窗戶玻璃，但呢種情況其實唔多見，科學家都努力試驗方法預測隕石軌跡，希望杜絕造成任何傷亡。

李慧琼龍舟賽作旁述 似模似樣

唔講唔知，民建聯主席李慧琼（Starry）（圖左二）仲做過龍舟比賽嘅司儀。佢尋日以嘉賓身份出席東區龍舟競渡大賽，臨時被邀客串司儀，仲拉埋副主席張國鈞（Horace）（圖右二）一齊講解比賽。

雖然係即場決定，「重操舊業」嘅Starry攞起講稿介紹參賽隊伍依然頭頭是道，仲同Horace一唱一搭，唔熟賽事，都似模似樣。自言第一次嚟睇

龍舟比賽嘅Horace感覺樣樣新鮮，不斷向兩位專業司儀請教大龍同中龍嘅區別、混合龍舟嘅男女比例等問題。

司儀就解釋話，一般嘅中龍有一名鼓手，一名舵手，同20名划手，大龍嘅規模就大咗一倍有多，合共50人；而混合龍舟中嘅男子划手不得超過12名，即係話女子划手至少有八名。對龍舟唔係好熟嘅鄭晴今次託Horace嘅福，一齊學到嘢啦。



首四月共182宗「假冒官員」電騙增

【大公報訊】電話騙案持續肆虐，警方今年首四個月涉及「假冒官員」的電話騙案，較去年同期增加28宗，損失金額逾8000萬元。香港警務處副處長劉業成指，每年年中電話騙案數字都有上升趨勢，為了打擊電話騙案，警方從昨日開始，展開一個星期的防止電話騙案宣傳周活動。商業罪案調查科將於今年成立反詐騙協調中心，並計劃與本港銀行合作，在非辦公時間凍結可能與騙案有關的可疑戶口。

唯一上升類別 涉款8053萬

根據警方數字，今年首四個月整體共有279宗電話騙案，較去年同期少兩宗，累計損失金額8490萬。

在各類行騙手法中，「假冒官員」是唯一增加的類別，共有182宗，佔整體騙案六成半，估計損失金額8053萬。東九龍刑事總區刑事總部偵緝總督察譚威信表示，56%遭「假冒官員」行騙的事主為30歲以下，估計他們比長者更少接觸本地新聞，對電話騙案缺乏認知而受騙。

警方又指，受害人當中約有四成為內地新移民或暫居香港人士，而大部分詐騙電話都以普通話對話，騙徒多數要求受害人將金錢存入內地銀行戶口，再以程式套取密碼騙取款項，因此有一定數量的內地人受騙。

為提高市民防範意識，警方由昨日起至下月三號，展開「防止電話騙案宣傳周活動」，將在交通工具、各機構外進行宣傳。

反恐最前線 衝鋒隊年內增逾300員

【大公報訊】記者陳卓康報道：全球反恐形勢嚴峻。「孤狼」式恐襲肆虐，香港一旦發生恐怖襲擊，衝鋒隊需最先到達現場。身為警隊最前線，衝鋒隊將於年內增加逾300人手，添置「黑人裝」保護衣。警方表示，衝鋒隊加強日常模擬實景訓練，做足準備，隨時候命。

衝鋒隊（Emergency Unit，簡稱EU）顧名思義，是警隊內負責「衝鋒」的部隊，日常負責處理市民撥打「999」報警的緊急任務。新界北衝鋒隊督察楊少芳（圓圖）說，衝鋒隊每日出動約30次，三分二案件是報稱發現可疑人士、企圖自殺、懷疑精神紊亂人士等，「快一秒到場，救多一個人」。

楊說，新界北衝鋒隊不時借出人手，支援機動部隊（PTU）到不同村落

處理收地糾紛，亦會配合快速應變部隊（QRF）的人蛇搶灘埋伏行動，在附近兜截逃脫的非法入境者。

根據警方的反恐演習預設，衝鋒隊最先到達現場。楊少芳說，衝鋒隊每星期最少有一次訓練日，模擬不同突發情況演習，並參與總部的定期大型演習。

衝鋒隊受警隊高層高度重視，去年由副處長領導的旺角暴亂檢討委員會報告表明，必須強化衝鋒隊的防暴角色，以應付突如其來的重大事件，警隊今明兩年獲准增加900人，約300個名額將撥予衝鋒隊。楊少芳稱，新增人手暫未到位，分配到各區的人數尚未定案。



低把刀！
設有上水芬園的新界北衝鋒隊基地等情況。圖為警員拔槍，喝令兇徒放質，模擬挾持人質。



流動「武器庫」及時遏暴力

衝鋒車儼如一個包羅萬有的小型「武器庫」，以便警員應付各種突發情況。當需要應付暴力人士，甚至暴動，車上恆常存放「兩長一短」盾牌，胡椒噴劑、伸縮警棍和防暴警棍。兩年半前的「佔中」事件，防暴警察發射的催淚彈，亦是衝鋒隊裝備之一。

衝鋒隊使用的槍械有四類，常見的有MP5衝鋒槍、雷鳴登870型霰彈槍，當發生內部保安事件，可動用AR15來福槍，以及俗稱「大口槍」的法德魯38毫米防暴槍，可發射多彈頭橡膠彈或CS565催淚彈。

衝鋒隊使用的槍械有四類，常見的有MP5衝鋒槍、雷鳴登870型霰彈槍，當發生內部保安事件，可動用AR15來福槍，以及俗稱「大口槍」的法德魯38毫米防暴槍，可發射多彈頭橡膠彈或CS565催淚彈。



劉家穎收工變為乘客
劉家穎fb圖

靚女車長「放閃」多人追

8後城巴靚女車長劉家穎最近喺Facebook開咗個專頁，短短幾日已經吸引7000幾人追蹤，人氣急升。小妮子近日上載幾張新相，其中一張係佢收工坐喺雙層巴士上層休息嘅相，由司機變為乘客身份，不過鄭晴好好奇，究竟張相係邊個幫佢影嘅呢？

專頁「劉家穎的巴士生涯」，上星期三開始運作，最初只係上載佢昔日成爲城中熱話嘅舊相，直至最近幾日，先至開始上載新圖片，其中一張係

佢收到來自澳門嘅讚揚信，家穎形容「個（噃）一刻我真係呆左（咗），太誇張了吧」，仲話依家埋站時，仍然有乘客「目定口呆咁望住我，覺得女仔揸咁大部巴士始終唔太適合」，但佢強調，絕對唔會介意別人嘅目光喎。

想見多靚女車長幾面？家穎主要駕駛城巴788線，往來小西灣（藍灣半島）至中環（港澳碼頭）。不過鄭晴提提大家啦，家穎已經有男朋友啦！

何君堯馬步穩 唔會「跣低」

律師會前會長、立法會議員何君堯（Junius），尋日去咗廣西壯族總會主辦嘅「活力慶回歸」活動。Junius話佢細個嗰陣，老竇就叫老師敎佢寫字同練八段錦，但而家好多招式都唔記得。

佢又話，八段錦對身體有益，因人過50歲，會步履不穩，腳浮浮，跣一跣「好大鑊」。Junius仲即場要咗幾招八段錦，馬步扎實，完全睇唔出佢過50噃。

講起之前律師會理事會選舉中落敗，Junius話今次是政治影響專業，或多或少存隱憂，不過唔影響自己繼續喺同崗位服務律師會，會以平常心睇呢件事，堅持專業同個人政治要分清楚。



何君堯要幾招八段錦，有板有眼
大公報記者楊州攝

400高中生觀塘玩城市定向

觀塘有幾大？而家年輕人體力有幾好？青年新世界尋日就搞咗個「逆戰觀塘2017」比賽，集齊400個高中學生玩城市定向，組隊鬥快由觀塘跑到去九龍城集齊Check Point，大熱天時都咪話唔消耗體力！

觀塘區議會副主席洪錦鉉和青年新世界董事會主席鄧咏駿，喺啟動禮為學生打氣，希望同學感悟「逆流而上」堅毅精神，

同埋認識觀塘乃至東九龍的發展變遷。洪錦鉉亦有感而發，但話人生唔係一帆風順，挫折險阻在所難免，關鍵係識得逆流向上，希望同學保持呢種自強精神面對各種挑戰。

原來活動唔止有意義，獎金獎品仲非常豐富，贏出定向嘅100位同學仲可躋身下一階段，仲有機會去到北京、海南、台灣同埋其他地方參加挑戰添！



▲ 衝鋒隊手持長短槍，左起：雷鳴登、MP5、法德魯及AR15。
上為「黑人裝」保護衣